

Hverfisráð Öxarfjarðar

8. fundur

14. janúar 2019 kl. 19:30

Öxi Kópaskeri

Mætt voru:

Conny Spandau, Elvar Már Stefánsson, Guðmundur Magnússon, Inga Sigurðardóttir, og Kristín Eva Benediktsdóttir sem ritaði fundargerð

Dagskrá:

1. Fyrirhuguð friðlýsing á vatnsvæði Jökulsár


Jón Grímsson var gestur fundarins. Hann sagði frá því að hann f.h. landeiganda að Ærlækjarseli 2 sendi inn til Umhverfisstofnunar umsögn um afstöðu eiganda til friðlýsingarinnar. Þar var m.a. bent á að „friðlýsing á einhverjum farvegi Jökulsár á Fjöllum norðan Ásbyrgis væri óraunhæf, fyrst og fremst vegna þess að sað farvegur sem áin velur sér er síbreytilegur og getur á einni nótta færst til um nokkra kílómetra“. Málið rætt.

Jón vék af fundi og hverfisráð hélt áfram fundinum. Ákveðið að Hverfisráð sendi inn umsögn í sama anda og einnig að skrifað verði bréf til sveitarstjórnar vegna hennar afgreiðslu á málínu. Guðmundi og Elvari falið að undirbúa þessi bréf og bera undir hverfisráðs til samþykktar fljótlega.

2. Klukkan á Íslandi – fyrirhugaðar breytingar

Hverfisráð hvetur íbúa til að skoða málið og segja álit sitt inn á Samradsgatt.is

Fundi slitið kl. 21:30



Elvar Már
Kristín Eva
C. Spandau

Til: Umhverfisstofnun Suðurlandsbraut 24 108 Reykjavík

Efni: Umsögn um tillögur Umhverfisstofnunar að friðlýsingu vatnasviðs Jökulsár á Fjöllum: 12 Arnardalsvirkjun og 13 Helmingsvirkjun. Tillaga að framangreindum friðlýsingum birtust sem frétt á heimasíðu Umhverfisstofnunar þann 14. september 2018. Einnig var landeigendum á umræddu svæði sent kynningarbréf.

Skilgreining viðkomandi svæðis: Faghópur 1 í 2. áfanga rammaáætlunar skilgreindi áhrifasvæði virkjunar svo: „Svæði sem til greina koma vegna vatnsaflsvirkjana voru afmörkuð þannig að miðað var við vatnasvið ofan fyrirhugaðra stíflumannvirkja en þar fyrir neðan var aðeins tekinn meginfarvegurinn og næsta nágrenni hans (100-500 m út frá miðlinu eftir aðstæðum).“ Lagt er til að verndarsvæði vegna Arnardalsvirkjunar sé vatnasvið Jökulsár á Fjöllum ofan stíflumannvirkja fyrrum fyrirhugaðrar Arnardalsvirkjunar og meginfarvegur Jökulsár á Fjöllum þar fyrir neðan til sjávar, 500 m út frá miðlinu til beggja handa nema þar sem farvegurinn er víðari en 1.000 m, þar sé miðað við belti sem nær 100 m út fyrir heildarbreidd farvegarins til beggja handa. Fyrirhuguð Helmingsvirkjun er innan vatnasviðs Arnardalsvirkjunar. Mörk svæðisins fylgi jökuljaðri.

Umsögn:

Undirritaðir í hverfisráði Öxarfjarðar vilja benda á að friðlýsing á einhverjum farvegi Jökulsár á Fjöllum, norðan Ásbyrgis er óraunhæf, fyrst og fremst vegna þess að sá farvegur sem áin velur sér er síbreytilegur. Nú sem stendur er megin rennslið í svokölluðu Bakkahlaupi og þar hefur m.a Landgræðslan ofl, unnið að því að halda honum með byggingu varnargarða. Það er öllum ljóst sem til þekkja að það þarf ekki stórt hlaup eða krapastíflur í ánni til þess að hún skipti um farveg, það hefur hún oft gert. Um langt árabil hefur það verið baráttumál íbúa í Öxarfjarðarhéði að fá aðstoð við rannsóknir á jarðhita í héraðinu með fjölbreytt nýtingarfæri í huga og hefur mikil áunnist í því sambandi. Svæðið er jafnframt til skoðunar sem virkjanakostur lághita. Á svæðinu norðan Ásbyrgis er stundaður hefðbundin landbúnaður og eins er þarna allstórt og mjög vatnsgefandi lághitasvæði, þar eru nokkrar borholur sem bíða nýtingar og ein þeirra nýtt til húshitunar, *Hitaveita Öxarfjarðar*; Eins er rekið umfangsmikið fiskeldi á svæðinu sem byggir m.a á þessum lághitavökva. Það er því ljóst að landeigendur og aðrir hagsmunaaðilar s.s Vegagerðin, Landgræðslan, veiðiréttareigendur, Hitaveita Öxarfjarðar, fiskeldisfyrirtækin ofl þurfa að geta brugðist við með tiltækum ráðum til þess að geta stýrt því hvort áin byltir sér þegar á reynir til þess að lágmarka tjón á landi og mannvirkjum. Undirritaðir hafna því alfarið hugmyndum um friðlýsingu vatnasviðs Jökulsár á Fjöllum norðan Ásbyrgis, og telur hana reyndar óþarfa þar sem að í aðalskipulagi Norðurþings er árfarvegurinn og tilgreint svæði meðfram honum skilgreint sem hverfisverndarsvæði og öll mannvirkjagerð óheimil á því svæði.. Friðlýsingin á söndunum neðan þjóðvegar (brúar á veginum 85) er því óþörf þar sem eini tilgangur friðlýsingarinnar er að tryggja að ekki komi til virkjunar á vatnsaflí í tveimur virkjunum á efsta hluta árinnar, inni á miðju hálandi. Ekki verður séð að farvegur árinnar neðan brúar hafi minnstu þýðingu í því samhengi og því óþarft og ósættanlegt að skapa óvissu um nýtingarmöguleika á auðlindum héraðsins hvað Sandinn varðar. Svæðið sem um ræðir er partur af brothættum byggðum, ríkisreknu verkefni til að bæta skilyrði hér, og því afar furðulegt að taka ákvarðanir sem beinlínis gætu skert möguleika í boði á svæðinu.

F.h. Hverfisráðs Öxarfjarðar

Inga Sigurðardóttir

Elvar Már Stefánsson
Elvar Már Stefánsson

Guðmundur Magnússon

Kristín Eva Benediktsdóttir
Kristín Eva Benediktsdóttir

Cornelia Spandau
Cornelia spandau